

9 - Allestitivi, cari amici

Testo e melodia registrati a Melicuccà di Dinami (CZ) nel marzo 1983
dalla viva voce di un gruppo di dcenne.

Andante

Al - le - sti - ti - vi ca - ri a - mi - ci
ca su jor - na di No - ta - li Oh chi
fe - sta, oh chi triun - fa - li è lu Glo - ria
Pa - - - - tri!

1.

Allestitivi, cari amici,
ca su jorna di Notali;
oh chi festa, oh chi triumfali
e' lu Gloria Patri.

2.

A lu celu gra festa si faci
e alla chiesa non cantanu ancora,
e la terra cio' che 'ndi dona
e di rose e fiori.

3.

Ha nesciutu lu Redentori,
porta beni e porta vita;
ogni grazia ch'a nui 'nc'invia
ed all'onioni.

4.

Porta beni pe lli boni,
ma pe lli mali e' lu so' aiutu;
tutti quelli chi l'hannu pirdutu
lu jenu a cercari.

5.

E lu jenu per ritrovari
chi ha lasciatu 'na bona via;
a lu celu chi nun 'nc'e' bia,
e 'nc'e' la sigilia.

6.

Non guardati ch'e' piccirillu,
e' nu grandi onnipotenti;
assicuru e' d'assistenti
e 'nsin'alla morti.

7.

Si 'ndi veni di mezzanotti
nudu e friddu e povarellu,
comu tanto rispettusellu
a 'mmenz'a la paglia.

8.

Lu copriru cu 'na tuvaglia,
lu copriru cu ver'amori,
la so' mamma cu tanti splendori
lu stringia nel petto.

9.

O divinu mio Pargoletto,
li sant'angiali calaru;
a Maria la combitaru
ed alla capanna.

10.

A lu celu chi chioviva manna,
quella notte desiderata,
e la erba ca non era nata
e sculava meli.

11.

Li sprandenti chi sunu a li celi,
li sprandenti c'all'aria tutta,
li sprandenti chi l'altra grutta
ed e' magistrosa.

12.

Li sprandenti chi gioia e rosa,
non e' 'mbernu, ch'e' primavera;
e li tempi non sugnu com'era
ed io non mi 'ndi 'ngannu.

13.

Arrivaru a la capanna
cu Maria, Matre adurata,
san Giuseppi ch'e' benerandu
ed e' vecchiarellu.

14.

E lu voi cu l'asinellu,
ch'aduravanu lu gran Santu,
san Giuseppi ch'e' benerandu
ed e' vecchiarellu.

15.

Si ricogghjunu li pastori
attornu attornu a la capanna,
e Maria ch'e' nostra Mamma
e de lu Messia.

Cfr. la raccolta di R. Lombardi
Satriani al n. 2908 (Vallelonga
-CZ), al n. 2910 (Laureana di Bor-
rello-RC), al n. 2911 (Cittanova
-RC).